



Pionsen sa mont



Idiom: Gherdëina
Meludia: Engl Runggaldier
Text: Engl Runggaldier

dong - ding - dong - ding...

La ciampana da Sacun sona l'Anmaria:
Audide ma ce bel!...
Y tan lonc rundenëscel fin sëura mont via:
Audide ma ce bel!...

L gial à da giut bele ciantà!
Echo: bele ciantà...
L surëdl vën sëura mont ca!
Echo: I vën ca...

Cialëde, cialëde, I mond ie ndurà,
i crêpes, la pizes di lëns s'à mpià.
Pionsen sa mont!
Pionsen sa mont!
Pionsen sa mont!
Pionsen sa mont!
tralla - tralla...
tralla - tralla...

Sci, jon te Mastlé, sun Stevia y jun Val,
s'la buvon y cianton y fajon èngher n bel bal.
Desmincion i festidesc, la fadia y I sué,

sun chësc mond te Gherdëina iel for plu bel sté!...

Sa Bula, Mont Sëuc y te Pana se n jons,
de bon' eghes buvons, biei ciofes tlupons,
tal Juan, ta la Bula y ja Dosses cherdons:
unide, unide, mutans y mutons!...

Ziplon, depenjon y n turnon d'uni sort;
a chi ne se lascia n pesc, ne fajons degun tort:
ladins sons de raza, Tiroleri for stac,
son strambi de lauré y nia stlec de fé ac!...

Jodler: Holladiridio - tiriario - Holladiridio - tira ho...!

Da sëira

dong - ding - dong - ding...

La ciampa da Sacun sona l'Anmaria:
Audide ma ce bell!...
Y tan lonc rundenëscel fin sëura mont via:
Audide ma ce bell!...

La gialines ie da giut te stalot!
Echo: te stalot...
L surëdl ie ènghe bele jit sot!
Echo: bele jit sot...

Cialëde, cialëde, I mond va a durmì!
A cësa, a cësa lascënes mé jì!
A duc na bona nuet!...
A duc na bona nuet!...